

I articui

Intal furlan a son trê fatis di articul:

- l'articul definît;
- l'articul indefinît;
- l'articul dimostrarîf.

Formis dal articul definît

<i>numar</i>	<i>feminin</i>	<i>masculin</i>
<i>singolâr</i>	la	il, l
<i>plurâl</i>	lis	i

Pal feminin singolâr la lenghe normalizade e scrîf dome che la forme *la*, dulà che intal ûs si le cjate un grum ancje la forme *l'* denant di vocâl:

la aghe / l'aghe

Par altri ancje la lenghe normalizade e permet di lei cence *a*.

Intal masculin singolâr par solit si le dopre la forme *il*, ma se la peraule che i ven daûr e tache par vocâl, si le dopre la forme *l'* :

il cjan, il fûc, il tei

l'ors, l'aur, l'ûf

Altris formis dal articul definît a son:

<i>numar</i>	<i>feminin</i>	<i>masculin</i>
<i>singolâr</i>	le	lu, al, el
<i>plurâl</i>	les, las, li	ju

Formis dal articul indefinît

<i>numar</i>	<i>feminin</i>	<i>masculin</i>
<i>singolâr</i>	<i>une</i>	<i>un</i>
<i>plurâl</i>	\emptyset	\emptyset

Spieli:

Tu viodis une frute a zuiâ.

Tu viodis un frut a zuiâ.

Tu viodis frutis a zuiâ.

Tu viodis fruts a zuiâ.

Formis dal articul dimostrâtif

<i>numar</i>	<i>feminin</i>	<i>masculin</i>
<i>singolâr</i>	<i>chê</i>	<i>chel</i>
<i>plurâl</i>	<i>chês</i>	<i>chei</i>

L'articul dimostrâtif - che lu clamin ancje *adietivâl* - al è ben cognossût pe lenghe romene. Cetantis voltis al è facultâtif e pal furlan i lenghiscj no lu àn ancjemò studiât.

Spieli:

Chei alts a zuin ben di basket.

To fradi chel piçul al à trê agns.

Al è chel plui fuart di ducj noaltris.

Chês dôs a son par voaltris.

Chei di Feagne a rivarin tart.

Chel che al pense nol fale.

Cuâi ti plasino? Chei verts.